

Isuledda

Isuledda...
de marinas, pischeras,
pasturas, cresuras,
tzittades, biddas isperdias,
campos de trigu,
montes de murdegu,
funtanas e fogu.

Isuledda...
de ottomiza nuraghes,
cantos tribales,
meres e pastores,
malos tirannos,
tristos bandidos
e batoro moros.

Isuledda...
Su Tirsu e sos rios,
cadditteddos bajos,
arvos anzoneddos,
roccas de granitos
murta figumoros,
urtigu e castanzos.

Isuledda...
De passos torrados,
costumenes ricamados
coraddos e oros,
janas e panas,
accabbadoras e filonzanas,
Carresegares, Nadales e Pascas.

Isuledda...
in campagna... cresias,
novenas e festas
e a chie...
no hat tremuttidu
su coro... a s'ispantu
de s'Ardia istriada
sa Sartiglia fadada
Sant'Efis gherreri
li Candelieri
o "Su Redentore"?

Isuledda
Ti biso in frore...
e oe... ti pigo in brazzos
e t'assaccarro 'e basos...
lassa... ch'est die nodia...
isuledda... isuledda...
isuledda... Prenda mia!

Gioconda Giglio